



AUTORIZOJMË

Bashkëpronarin _____ (emër atësi mbiemër), që të kryejë aplikimin në e-Albania dhe të sigurojë çdo dokumentacion të nevojshëm për të përfituar nga skema e naftës për bujqësinë në lidhje me pasurinë/të e lartpërmendura. Gjithashtu, në rast miratimi të aplikimit, jemi dakord që ai të ndjekë procedurat për pajisjen me kartë dhe tërheqjen e sasisë përkatëse të naftës.

Ne, të nënshkruarit, pranojmë sa më sipër, duke mos pasur asnjë pretendim apo vërejtje për të. Akti, u lexua nga ne me zë të lartë dhe të qartë, u kuptua dhe meqenëse u gjet sipas vullnetit tonë të lirë dhe të plotë, nënshkruhet rregullisht*, si vijon:

Bashkëpronari/ët:

1. _____
Emër Mbiemër (me shkrim dore) Nënshkrimi

2. _____
Emër Mbiemër (me shkrim dore) Nënshkrimi

Emër Mbiemër (me shkrim dore) Nënshkrimi

* Nënshkrimet (firmat) vendosen në çdo faqe të aktit. Ndërsa në fund të tij vendosen emrat, mbiemrat dhe nënshkrimet.

UDHËZIM
Nr. 47, datë 1.2.2021

PËR NJË SHITESË NË UDHËZIMIN NR. 298, DATË 10.9.2020, “PËR PROCEDURAT E HARTIMIT TË LISTAVE TË ZGJEDHËSVE PËR ZGJEDHJET PËR KUVENDIN E SHQIPËRISË”

Në mbështetje të nenit 102, pika 4 e Kushtetutës, të neneve 49, 50, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, i ndryshuar, të dekretit nr. 11700, datë 6.9.2020, të Presidentit të Republikës “Për caktimin e datës së zgjedhjeve për Kuvendin”,

UDHËZOJ:

Në udhëzimin nr. 298, datë 10.9.2020, “Për procedurat e hartimit të listave të zgjedhësve për zgjedhjet për Kuvendin e Shqipërisë”, bëhet shtesa si vijon:

1. Në pikën 19 të udhëzimit nr. 298, datë 10.9.2020, shtohet fjalia e dytë me këtë përmbajtje:
“Shtetasit, të cilëve më 25.4.2021, në datën e zhvillimit të zgjedhjeve për Kuvendin e Shqipërisë, u ka përfunduar afati i vlefshmërisë së

letërnjoftimit elektronik identifikohen të markuar në formatin e ekstraktit të përbërësve zgjedhorë dhe të listës përfundimtare të zgjedhësve”.

Ky udhëzim hyn në fuqi pas botimit në Fletoren Zyrtare.

MINISTËR I BRENDSHËM
Bledar Çuçi

VENDIM
Nr. 8, datë 29.1.2021

PËR DISA NDRYSHIME NË VENDIMIN E KOMITETIT NDËRSEKTORIAL PËR MBROJTJEN E SHËNDETIT NGA PRODUKTET E DUHANIT NR. 7, DATË 19.2.2020, “PËR MIRATIMIN E DISA SHITESAVE DHE NDRYSHIMEVE TË FOTOVE TË PARALAJMËRIMEVE PËR EFEKTET SHKATËRRUESE TË DUHANIT, SI DHE SPECIFIKIMET E VENDOSJES SË TYRE NË PAKETË”

Komiteti Ndërsëktorial për Mbrojtjen e Shëndetit nga Produktet e Duhanit (KNMSHPD), me pjesëmarrjen e anëtarëve, si më poshtë:

1. Ministrit të Shëndetësisë dhe Mbrojtjes Sociale, kryetar – znj. Ogerta Manastirliu;



2. Zëvendësministrit të Arsimit, Sportit dhe Rinisë, anëtar – znj. Nina Guga;

3. Zëvendësministrit të Brendshëm, anëtar – z. Besfort Lamallari;

4. Zëvendësministrit të Turizmit dhe Mjedisit, anëtar – znj. Ornella Çuçi;

5. Kryetarit të Autoritetit të Mediave Audiovizive, anëtar – z. Gentian Sala;

6. Drejtorit të Institutit të Shëndetit Publik, anëtar – znj. Albana Fico;

7. Kryeinspektorit Shëndetësor Shtetëror, anëtar – znj. Vjollca Braho;

8. Drejtorit të Policisë Bashkiake, Tiranë, përfaqësues i autorizuar – z. Toni Beni.

Pasi analizoi me vëmendje të gjithë problematikat e ngritura nga grupet e interesit përcjellë me shkresë pranë Ministrisë së Shëndetësisë dhe Mbrotjes Sociale por edhe gjatë takimit të zhvilluar në ambientet e ministrisë vendosi si vijon:

1. Miratimin e disa ndryshimeve të vendimit nr. 7, datë 19.2.2020, të KNMSHPD-së sipas tekstit që i bashkëlidhet këtij vendimi.

Ky vendim hyn në fuqi menjëherë pas botimit në Fletoren Zyrtare.

**KRYETAR I KOMITETIT
NDËRSEKTORIAL PËR
MBROJTJEN E SHËNDETIT NGA
PRODUKTET E DUHANIT
Ogerta Manastirliu**

Neni 1

Në nenin 2, “paralajmërimet e përgjithshme dhe mesazhet informuese në produktet e duhanit”, bëhen ndryshimet si më poshtë vijon:

a) Pika 3, ndryshohet si në vijim:

“3. Për paketat në formë kuboide, vetëm një nga paralajmërimet shëndetësore të përcaktuara në pikat 1 dhe 2 të këtij neni, duhet të shfaqet në pjesën e poshtme të njërës prej sipërfaqeve anësore të njësies së paketës. Paralajmërimi shëndetësor ose mesazhi informues duhet të zërë jo më pak se 50% të sipërfaqes anësore në të cilën është printuar. Për produktet e duhanit, që nuk janë të vendosura në paketim kuboid, mesazhet duhet të shfaqen në atë pjesë të paketimit që garanton vizibilitet të plotë të paralajmërimit. Paralajmërimet e përgjithshme dhe

mesazhi informues do të rrotullohen në mënyrë të tillë që të sigurohet shfaqja e tyre në mënyrë të rregullt.”

b) Në fund të pikës 5, shtohet fjalia me këtë përmbajtje:

“Sipërfaqja e paralajmërimeve të përgjithshme dhe mesazhet informuese do të rrotullohen në mënyrë të tillë që të sigurohet shfaqja e tyre në mënyrë të rregullt. Sfondi i paralajmërimeve të përgjithshme do të jetë i rrethuar nga një bordurë e zezë, e cila do të jetë 1mm brenda hapësirës së parashikuar për secilin paralajmërim. Bordura nuk duhet të ndërhyjë në asnjë mënyrë të përmbajtja e paralajmërimeve.”

Neni 2

Në nenin 3 “Paralajmërimet shëndetësore të kombinuara për produktet e duhanit” bëhen ndryshimet si më poshtë vijon:

a) Pas pikës 2, shtohet pika 2/1, me këtë përmbajtje:

“2/1. në rastet kur pulla e akcizës e përdorur për qëllime fiskale vendoset në skajin e sipërm të një paketi, paralajmërimi i kombinuar shëndetësor që do të shfaqet në sipërfaqen e pasme mund të pozicionohet direkt nën pullën e akcizës.”

b) Pas pikës 7, shtohen pikat 8 dhe 9, me këtë përmbajtje:

“8. Paralajmërimet e kombinuara do të rrotullohen në mënyrë të tillë që të sigurohet shfaqja e tyre e rregullt, duke zbatuar kombinimet e përcaktuara në shtojcën 3, të këtij vendimi.

9. Sipërfaqja e paralajmërimeve të kombinuara do të jetë i rrethuar nga një bordurë e zezë, e cila do të jetë 1mm brenda hapësirës së parashikuar për secilin paralajmërim. Bordura nuk duhet të ndërhyjë në asnjë mënyrë të përmbajtja e paralajmërimeve.”

Neni 3

Paralajmërimet shëndetësore për purol dhe cigarillot

1. Paralajmërimet shëndetësore për produktet e duhanit për tymosje përveç cigareve, duhanit me dredhje dhe duhanit për nargjile.

2. Paralajmërimi shëndetësor duhet të shfaqet në dy sipërfaqet më të mëdha të njësies së paketës dhe të çdo paketi të jashtëm.



3. Paralajmërimi shëndetësor duhet të zërë 30% të sipërfaqes së njësishë së paketës dhe të çdo paketimi të jashtëm.

4. Paralajmërimi shëndetësor duhet të respektojë kërkesat e specifikuara në nenin 2, pika 5, të këtij vendimi. Paralajmërimi shëndetësor do të rrethohet nga një bordurë e zezë, e cila do të jetë jo më pak e 1 mm dhe do të jetë jashtë sipërfaqes së rezervuar për paralajmërimet shëndetësore. Teksti i paralajmërimit shëndetësor duhet të jetë paralel me tekstin kryesor të vendosur në sipërfaqen e dedikuar për këto paralajmërimë.

5. Në rastet kur paralajmërimi nuk mund të printohet me makineri për shkak të proceseve prodhuese atëherë paralajmërimi mund të shtypet në një etiketë dhe të ngjitet në paketim, me kusht që të jetë i palëvizshëm.

Neni 4

Në vendimin nr. 7, datë 19.2.2020 “Për miratimin e disa shtesave dhe ndryshimeve të fotove të paralajmërimeve për efektet shkatërruese të duhanit, si dhe specifikimet e vendosjes së tyre në paketë”, fotot me nr. 1, 2, 11 dhe 13, shfuqizohen.

Neni 5

Pas nenit 10, shtohet neni 11, me këtë përmbajtje:

“Neni 11

Dispozita tranzitore

1. Produktet e duhanit që nuk plotësojnë kushtet e këtij vendimi nuk do të lejohet të importohen apo prodhohen pas datës 5.3.2022, por do të lejohen të tregtohen në pikat e shitjes të pakicës deri në datën 5.6.2022.

2. Prodhuesit dhe importuesit e produkteve të duhanit do të lejohen të importojnë, prodhojnë dhe shesin produktet e duhanit në përputhje me kërkesat e këtij vendimi dhe përpara datës 5.3.2022, në mënyrë që të mundësohet një tranzicion sa më efikas nga paketimet aktuale në paketimet me kushtet e reja të parashikuara në këtë vendim.”.

NJOFTIM

Nr. 1409, datë 2.2.2021

MBI HYRJEN NË FUQI TË AMENDAMENTIT DOHA

“Amendamenti Doha” i Protokollit të Kiotos të Konventës Kuadër të Kombeve të Bashkuara për Ndryshimet Klimatike”, ka hyrë në fuqi më 20 janar 2021.

SEKRETAR I PËRGJITHSHËM I
MINISTRISË PËR EVROPËN
DHE PUNËT E JASHTME
Armand Skapi

NJOFTIM

Nr. 1547, datë 4.2.2021

MBI HYRJEN NË FUQI TË MARRËVESHJES NDËRKOMBËTARE

“Memorandumi i bashkëpunimit ndërmjet Këshillit të Ministrave të Republikës së Shqipërisë dhe Qeverisë së Republikës së Kosovës, mbi bashkëpunimin në fushën e transportit hekurudhor”, nënshkruar më 2.10.2020, ka hyrë në fuqi më 21 janar 2021.

SEKRETAR I PËRGJITHSHËM I
MINISTRISË PËR EVROPËN
DHE PUNËT E JASHTME
Armand Skapi